

GARIS PANDUAN PERMOHONAN LESEN IMPORT (AP) KENDERAAN PERSENDIRIAN BAGI WARGANEGARA MALAYSIA YANG BEKERJA DI LUAR NEGARA BERKUAT KUASA PADA 1 JANUARI 2017

A. DASAR SEMASA AP KENDERAAN PERSENDIRIAN

Dasar semasa menetapkan bahawa Lesen Import (AP) Kenderaan Persendirian ("AP Persendirian") boleh dipertimbangkan kepada Warganegara Malaysia yang bekerja sepenuh masa di luar negara bagi membolehkan kenderaan milik persendirian di luar negara dibawa masuk ke Malaysia secara sah.

B. WARGANEGARA MALAYSIA YANG LAYAK MEMOHON AP KENDERAAN PERSENDIRIAN

AP Kenderaan Persendirian bukan merupakan suatu hak bagi semua Warganegara Malaysia yang berada di luar negara. Warganegara Malaysia yang layak memohon adalah seperti berikut:

- (i) bekerja sepenuh masa di luar negara (kecuali di Singapura, Brunei dan Thailand);
- (ii) pegawai Kerajaan yang berkhidmat di luar negara dan kakitangan *home-based* yang berkhidmat di pejabat-pejabat perwakilan Malaysia di luar negara;
- (iii) suami atau isteri yang menemani Warganegara Malaysia dalam kategori (i); dan
- (iv) suami atau isteri atau anak (seorang) kepada pegawai Kerajaan/kakitangan *home-based* dalam kategori (ii).

C. TERMA-TERMA UMUM AP KENDERAAN PERSENDIRIAN

Terma-terma umum AP Kenderaan Persendirian adalah seperti berikut:

- (i) pemohon adalah warganegara Malaysia sahaja;
- (ii) pemohon hanya layak dipertimbangkan satu (1) unit AP Kenderaan Persendirian sekali sahaja seumur hidup;
- (iii) kenderaan hendaklah didaftarkan atas nama pemohon di negara bekerja sebelum pemohon pulang ke Malaysia; dan
- (iv) syarat sekatan hak pindah milik yang akan dikenakan ke atas kenderaan adalah untuk tempoh 3 tahun.

D. SYARAT-SYARAT KELULUSAN PERMOHONAN

Kelulusan permohonan AP Kenderaan Persendirian adalah tertakluk kepada pematuhan syarat-syarat berikut:

- (i) pemohon **telah bermastautin di luar negara** secara sah bagi tempoh **minimum tidak kurang dari satu (1) tahun**;
- (ii) **had usia kenderaan** adalah **tidak melebihi lima (5) tahun dari tarikh ia didaftarkan buat kali pertama sehingga tarikh kenderaan tiba di Malaysia**;
- (iii) pemohon mempunyai **lesen memandu** yang sah di Malaysia atau **lesen memandu** yang dikeluarkan oleh negara domisil; dan
- (iv) **pemohon kembali ke Malaysia secara tetap** setelah tamat tempoh bekerja di luar negara.

E. PROSEDUR PERMOHONAN

1. Pemohon hendaklah mengemukakan permohonan dalam **tempoh 90 hari** setelah kembali ke Malaysia secara tetap.
2. Setiap permohonan **hendaklah dikemukakan melalui <http://reg.dagangnet.com/>** dengan menyertakan borang-borang serta dokumen sokongan yang teratur dan lengkap seperti berikut:
 - (i) Borang Permohonan Lesen Import Kenderaan Persendirian; dan
 - (ii) Salinan dokumen sokongan yang dinyatakan dalam Senarai Semak Dokumen Permohonan Lesen Import Kenderaan Persendirian (Bekerja/Suami/Isteri/Anak).
3. Pemalsuan dokumen/maklumat kepada mana-mana badan Kerajaan merupakan satu kesalahan yang serius dan menyalahi undang-undang. Sekiranya pihak MITI mendapati berlaku pemalsuan dokumen/maklumat semasa permohonan dikemukakan atau kelulusan telah diberikan, pihak MITI berhak untuk menolak permohonan atau membatalkan kelulusan tersebut. Selanjutnya, pemohon juga **boleh disenarai hitam dan dikenakan tindakan undang-undang** di atas kesalahan tersebut.
4. Keputusan permohonan AP Kenderaan Persendirian akan dibuat dalam tempoh **5 hari bekerja**.

F. TARIKH KUAT KUASA DAN PEMBATALAN

Garis Panduan ini akan mula **berkuat kuasa mulai 1 Januari 2017** dan semua garis panduan yang telah dikeluarkan oleh MITI berkenaan permohonan AP Kenderaan Persendirian sebelum ini adalah terbatal.

Sebarang pertanyaan lanjut sila hubungi kami di:

03-6208 4970/ap@miti.gov.my

Sebarang pertanyaan berkenaan sistem:

Dagang Net Technologies Sdn. Bhd.
Tower 3, Avenue 5, The Horizon Bangsar South
No. 8, Jalan Kerinchi
59200 KUALA LUMPUR
Toll free : 1300.133.133
Email : careline@dagangnet.com
Website : <http://www.dagangnet.com>

Disediakan Oleh:
Unit AP Persendirian
Seksyen Kawalan Eksport dan Import
Bahagian Sokongan Perdagangan dan Industri
Kementerian Pelaburan, Perdagangan dan Industri (MITI)